

# 'z fòldjele

## von khindar!

vodar Giulia Boschetto

Ciao, häüt barpar machan di detèktif, bar lengaz nà in tritt vonan vich boda lai sidar bintsche djar iz gekheart zo leba aftz üsarne beldar. **A** drai sachandar zo bizza:

- 'Z hatt viar schinkeh
- 'Z hatt zboa spitzgege oarn
- 'Z hatt 'z har grisat-kafedat-röatlat
- 'Z iz hoach ume di 70 zm.
- 'Z hatt an sbäntz vo schiar 30 zm., sbartz auz züntrest
- 'Z sbert ume di 28 - 34 kg
- 'Z huket

I pin daz Billvraüle Holmes!

Hasto sa vorstánt ber 'z magat soin?  
Disen jàrz da:

Nà in tritt von .....



Oarn. Dar bolf gehöarta  
gäntz garècht, dar  
gehöarta 20 vert mearar  
baz a mentsch!  
Pint in vorsch pitt soinar  
d jüstn rispösta un vèrbe  
di vichar.



Dar bolf mage höarn  
in hukar vo ändre bölf  
bait schiar 10 km.

Ber piapet?



Dar bolf  
Auuuuuuuuuh

Ber huket?



Dar grill  
Cri Cri

Ber grillt?



'Z vögele  
Cip Cip

Ber bètzeget?



Di khua  
Muuu

Ber lürnta?



Dar vröss  
Kra kra

Ber kraket?



Di öbe  
Beeh



Bettana  
nas. Dar bolf  
höart di odörn 100  
vert pezzar baz a  
mentsch.  
Gea nå in sloaf un darkhenn  
di kagln vo aniazlaz vich.



Di khua  
± 20-25 gm. ♂



Dar kapardjöll  
± 1,1,4 gm.  
± 0,7-1 gm. ♂



Dar bolf  
± 10-15 gm.  
± 3-4 gm. ♂







'Z iz sichar, balda oinegeat di sunn  
khemmenda auz di bölf! Ma di hirsch  
o...un furse insinamai di elefént?  
Gebende un mach darstian doine  
tschelln spilante pinn schatn.



# DAR BOLFKHNOTT. A ZIMBAR STÖRDJELE

'Z izta gest in an stroach, vor vil vil djar, a männ vo Maséttn boda iz gest drã zo kheara bidrùmm huam dòpo zo haba gement höbe in gântz tage au zuar Lusérn, 'z iz gest spet. Kartza spet.

'Z iz gest aromài tunkhla nacht. 'Z iz gest a nacht àna mà. Balda dar männ iz gerift auz in Tännbalt hattzen parìrt z'sega hundart bölf boden soin geloft kontra. Dar männ, zo darschrekha di bölf, hatt gedjukht pinn stèkh un gehakht in bint pitt soin sbèrt, hokante börtar boda da makma nèt schraim.

Baldar iz gerift sèmm boda dar staige kheart nidar zuar Masettn izzarn gevuntet attavorå auz alumma an groazan bolf, dar gröazarste bolf nia gesek, bodasan nèt hatt geböllt bizzan zo inkiana. Dar männ hatt bidar auvargezoget bahemme soi sbèrt un hatt häntgelekk zo stècha in bolf, dòpo aniaglan stich soinda gesprunk di glåstarn.

An lestn müade gerift ma kontént zo haba getöatet an söttan groazan bolf izzar gerift ka Maséttn un hatt ågeheft zo hoka: "I hån gesek hundart bölf!"

- Di laüt vo Maséttn hatta nèt gegloabet un hatten khött: "Dei dei, da bartn nèt soin gest pròpio hundart".

- Alóra dar männ hatt khött: "Azza nèt soin gest hundart, soinsa sichar gest nountzekh".

- Di laüt: "Ja... un bia hebasto getânt pitt nountzekh bölf?"

- Dar männ: "Bèh, alóra bartnsa soin gest vürchtzekh!"

- Di laüt: "Lung nèt du berastzan nèt drauzkhent lente njänka pitt vüchtzekh".

- Dar männ: "Bèh, da soin sichar gest zbuantzekh, ma i hännara auzgemacht ettlane, dena gianante vürsnen, sèmm boda abekheart dar staige, hånne gevuntet in groaz, i hannen gètt sovl stich un asó starch ke ma hatt gesek di glåstarn un an lestn izzar umgevallt toat.

- Alóra alle di laüt hãm gehoket: "Bènn gebar z'sega disan bolf bodo hast getöatet".

In tage darnå dar männ hatt gevürt alle di maséttnar sin au affon stradù, sèmm hãmsa gevuntet an groazan grisatn khnott allar augemèkket un alle hãm darkhennt in hakh von sbèrt, asó hãmsa alle ågeheft zo lacha un zo spöttla in männ:

"Schaue baz du hast getânt du hast augemekket an khnott, ådarst baz in bolf, du barst soin gest trunkhant".

Dar männ hatt lai gemak khön in da belese zung von maséttnar: "Credevo fusa en bolf enveze l'era en khnott".

Vo alóra vort dar sèll khnott iz khent khött vo alln "Dar Bolfkhnott".



An lestn, schaugeten  
da in bolf! Ciao bar vennenaz  
an åndra bötta!